

TEHONNITIOHKWAKÉNNIES RAOTIHIATÓNHSERA



RAIA'TAKWE'NÍ:IO NE TEHONNITIOHKWAKÉNNIES NE TIAONTARÍ:KON, ENHIA'NIKONHRAIENTAHTEN TSI NISAIANERENHSERÓ:TEN.

ENWÁ:TÓN KEN TENHSANITIONKWAKÉN:NI?

Aón:ton tasanitiohkwakén:ni entá:onk ehntshenná:rake tsi nón:we ratihsennarónnion tehonnitiohkwakénnies tánon enhserihwaié:rite éhntshere tsi nikaianerenhséró:ten nó:nen tehonnitiohkwakén:ni awenhnísera:

- Entá:on'k sha'té:kon iawén:re na'tensohseriia'kónhake;
- Entá:on'k Korahró:n non nenshia'tó'ténhake;
- Entá:on'k Tiaontarí:kon enhsi'terón:take ià:ia'k niwenhni:take nikari:we's.

EH TSHÉN:NARE KEN NE TEHONNITIOHKWAKÉNNIES RAOTIHIATÓNHSERA?

Enwá:ton enhsátken'se kí:ken skátne tenhséra'né:ken ensahiatonhséró:ta'se ne ratihsennarónnion, enhsié:na tsi tisanónhsote.

OH NÉNHSIERE TSI ENHSATATSHÉN:NAREN TSI NÓN:WE NIHATIHSENNARÓNION NE TEHONNITIOHKWAKÉNNIES?

Entá:on'k tsi thatiatiónhkwa iénhse ehshathiatonhsérónni:na, ensatats'hén:naren to'ka ó:ni ón:kwe ónhkak skátne seni:teron enwá:ton eniesahiatonhsérónnien.

Entá:on'k tekahiatonhsérá:ke entehsáhtka'we ia'ténhsiehste tsi sathiatonhsérón:ni; tóka í:iah í:iah thahetií:na.

Tiotierénhton kahiatonhséra

Tiotierénhton entá:on'k ehntshenná:rake tánon enwathró:ri kátke sennakerá:ton.

Tasate'nién:tenhst: Tsi iakaonnakerá:ton karihwahni:rats Tianontarí:kon teiontatsnié:tha aohiatónhséra, Korahnéha Teieristi:ia'ktha aohiatónhséra.

Tekeniháton kahiatónhséra.

Tekeniháton entá:on'k ehntshenná:rake tánon eniokén:ta'ne tsi ni sathiatón tsi nón:we nihsi:teron.

Tasate'nién:tenhst: konwatoriehtákhwa aohiatónhséra, teiehtharákhwa tóka ó:ni ken'tonkwará:ken tkakon'tsheraró:ron thonteniehtha

KA'NÓN:WE NIKANÓNHSOTE NE TSI THATIHIATONHSERÓN:NI?

Tsi nihonathia:ton ne tsi thatiatiónhkwa tánon ne tsi niwenhniseró:ten tánon tsi nikahá:wi nó:nen kahnhotónkwen tho wathró:ri ensahiatonhséró:ta'se ratihsennarónnion enhsié:na tsi tisanónhsote.

ENSKAHIATONSERONNÍHAKÉ IONTENNIÉTHA:

Enwá:ton ensheri'wanón:ton ne enskahiatonseronnihake ne iontenniétha tóka' enhsenahne ne kahiatónhséra ne aorihwá:ke. Enwá:ton iehsaténniehste, wathiatonserarenniétha tóka ó:ni email ensón:ni tsi nií:re ki watatshén:nare.

Ki wate'shén:naien ne enskahiatonseronnihake iontenniétha iah ne 'eh thaón:ton nó:nen katokénhston tsi ni:ions ne enskahiatonseronnihake.

SHÉ:KON IENHSHONÁ:TI

Tóka íhshere ahsatats'hén:naren ne ratihsennarónnion tóka ó:ni aonsahatikwatá:ko tsi nón:we nihatihsén:nare ne tehonnitiohkwakénnies nó:nen enwató:kten tsi nikahá:wi shathiatonhsérón:ni, entá:on'k ia'tensenihtá:ren tsi thahiatónhka ne tehsanikiohkwakénniéhne.

Eniesahró:ri kátke enhonterihwaténtia'te tsi nikahá:wi enhshahiatonhsérón:ni tánon tó:nihonathia:ton tsi nón:we enwathierihwahtén:ti. Tsi nikari:wes, **né:k ne tehanikiohkwakénnies raonhá:'ak** enwá:ton enhathiatonhsérón:te.

IORIHOWÁ:NEN! Tsi iesatats'hén:naren ne ohén:ton tkahiatonhsérón tsi nikari:wes shatikwatákwas ne kahiatónhséra, í:iah tesarihwá:wi ne ohén:ton tasanitiohkwakén:ni, né:'e khók tsi nikahá:wi enhatihsennaró:roke tsi thatiatió'nhkwa tánon tsi nikahá:wi tehonnikiohkwakén:ni.

KA'NON:WE TÁNÓN KÁTKE TENKANITIOHKWAKÉN:NI?

Tohkara nón:ta ohén:ton ne tehonnitiohkwakén:ni, ensahiatonhséró:ta'se sehiahrahkwén:ni wathró:ris.akwé:kon nahó:ten teiontonhontsóhon ne tashanitiohkwakén:ni ne wenhniserá:te. Ne ó:ni enhsié:na ne ratihsennarónnion ne rotatshennion:ton tahonráhtate tsi tewanitiohkwakénnion ne sanakerahserá:kon.

INÓN :SHON KAHRHÁ :KON KANAKERAHSERAKÉ:RON KEN NÓN:WE SENAKÉ:RE?

Katokénhston karihwahserón:ni ne tsi nikáien inón:són ienakerénion kanakerahserké:ron.

Kí katokénhston karihwahserón:ni ne enwá:ton ne:

- lasaténieht karihwahserón:ni ne aonsakakwentákwén ne ratihsennarónnion ne tahonráhtate ne tewanitiohkwakénnion, wathiatonhséró:ta'se sehiahrahkwén:ni wathró:ris.akwé:kon nahó:ten teiontonhontsóhon ne tashanitiohkwakén:ni ne wenhniserá:te. Ne ó:ni enhsié:na ne ratihsennarónnion ne rotatshennion:ton tahonráhtate tsi tewanitiohkwakénnion ne sanakerahserá:kon.
- Iah ken thaón:ton tashanitiohkwakén:ni ne wenhniserá:te ne tenhniserá:te
- Tóhka ni:kon wate'shén:naien

Takwaró:ri tóka' ken iakoiénawá:se ne Kanakerahserá:ki katokénhston karihwahserón:ni taní' sátken's kawennarahsthá:ke ne «katokénhston karihwahserón:ni ne inón:shon kahrhá:kon kanakerahseraké:ron».

IAH KEN THAÓN:TÓN TASHANITIOHKWAKÉN:NI NE WENHNISERÁ:TE NE TENHONNITIOHKWAKÉN:NI?

TÓHKA NI:KON WATE'SHÉN:NAIEN!

- Enwá:ton ohén:ton tashanitiohkwakén:ni tsi nón:we ne' karákwén tehonnitiohkwakénni:tha kaké:ron. Thi thonatenniéhton saie:nen tsi sanónhsote tho wathró:ris ka'nón:we iensatats'hé:naren, tsi niwenhniseró:ten, tánon tsi nikahá:wi iotehhotónkwen.
- Enwá:ton tashanitiohkwakén:ni tsi thatiatiónhkwa ne raia'takwe'ni:io tóka' ó:ni tsi nón:we ne rotirákwen teionnitiohkwakénniéhthákhwa kaké:ron. Ne isi non aesató:kénhse, ia'tsákens ne raia'takwe'ni:io rahiatónhka tóka' ó:ni website sátken's.
- Tóka' áktenon nisanatahré:nen tsi senákere tsi náhe tewanitiohkwakénnion enwá:ton tho tsi thahiatónhka ne raia'takwe'ni:io ia'tashanitiohkwakén:ni, tsi nikahá:wi ne wenhniserá:wen tánon ne enhsatia'tará:ko tsi nón:we ne sanakerahserá thohorahtá:ton.
- Tsi ionterihwaiénhstahkwaniónhkwa'kó:wa ó:ni kaké:ron ne teionnitiohkwakénniéhthákhwa.

TSI NI:IOHT TSI TENHSANITIOHKWAKÉN:NI?

Tiotierénhtakwen. Raia'takwe'ni:io ne tehonnitiohkwakénnies enhatken'se tsi tshen:nare kahiatonhséra:ke ne tehonnitiohkwakénnionhe.

Tekeniháton Enhsathró:ri onhka ni:se tánon enhsená'ton:hahse ne sahiatonhséra tsi non:we nihtshen:nare.

Ahsenhaton Eniesahiatonhsérón tsi non:we nihatihsennarónnion ne tehonnitiohkwekénionhe.

Kaieriháton Ka'nerohko:ton tsi non:we sonhá:ak ienhsatien, enhsheia'tara:ko onhka íhshere ahsheiatatshennahrhahse. enhsieron:nitste ne kahiatonhséra enskak tsi non:we nikakahkwén:tare ne khok enhsatste tsi nika:ien enthahiatonhkwen ne ohen:ton i:rate teshata:sere raia'takwe'ni:io.

Wiskhaton No:nen tenhsanitiohkwakénniéhshí, atekhwahra'tsherakta niensehse.

Iahia:khaton Ka'nerohkwahronnion. Tho ó'nerohkwakon ia'seta ne sahiatonhséra.

IORIHOWÁ:NEN: Enhsathró:ri onhka ní:se tánon enhsená'tón:hase ki sahiatonhséra:

- Tianontarí:kon teiontatsnié:tha kahiatónhséra;
- Tianontarí:kon konwatoriehtákhwa;
- Kohrahnéha teieristi:ia'ktha;
- Tsi sonkwehón:we aohiatónhséra;
- Korahnéha ronthonkária'ks aohiatónhséra.

KA' IEN KEN KAIANERÉNHSERA NE Ó:IA NÍ:IOHT TSI TAIONNITIOHKWAKÉN:NI?

Hen, ká:ien ne karihwahserón:ni tsi niakote'shennó:ten ne ón:kwe:

- Tóka' aktenon ne Quebec iekakonatahré:nen;
- Tóka' iakote'shennáksen akota'karitéhtshera aorí:wa tánon ne teiesáhshnie ne skátne seni:teron;
- Tóka' tsi teiontats'hniétha, tsi iontentiákhwa ne ronwati'nikón:rare, tsi tiakotkwatakénhátie ié:teron taní ne thotí:ions tsi rontentiákhwa.

Onhka kénh sheienté:ri ne'eh niakote'shennó:ten?

**Tsi niíostó:re sheiahronká:ten, ne tsi ó:nen'k tsi iostó:re
ensatats'hennión:te tsi ní:ions ne tewanitiohkwakénnion.**

ONHKA IEIA'TAKWE'NI:IO IERIHWAHSERONNIANIONS TSI TEHONNITIOHKWAKÉNNIES NE TIAONTARÍ:KON?

Tehonnitiohkwakénnies Raia'takwe'ni:io Ohen:ton i:rate neTiaontarí:kon ahsennenhshon non:we kentiohkwaen eniesari:wawa'se tsi ni:ioht tsisaianerenhséra:ien ne tashanikiohkwakén:ni.

TÓKA OTHÉ:NEN ÍHSEHRE AHSHERI'WANÓN:TÓN?

- Sátken's kawennarahsthá:ke www.electionsquebec.qc.ca
- Tasewatewén:nata : **1 888-ELECTION (1888-353-2846)**
- Email : info@electionsquebec.qc.ca